



Háteigur



16. árgangur 7. tbl.

VIRÐING – SAMVINNA – VELLÍÐAN

22. ágúst 2012

HAUSTBRÉF

<http://hateigsskoli.is>

Frá skólustjóra

Ágætu lesendur

Í vor hvatti ég alla til að njóta sumarsins. Við höfum átt gott sumar og getum verið þakklát fyrir það. Við erum því öll klár fyrir verkefni vetrarins. Við hlökkum til að hitta börnin og heyra sögur þeirra og ævintýri sumarsins. Hvert haust byrjum við með hreint borð, auðar töflur, auðar síður og fullt af stöfum sem mynda orð í nýjum bókum sem flytja okkur áleiðis til aukins þroska. Við þetta má svo bæta að skólinn er sérstaklega aðlaðandi vegna þess að skólaliðar stóðu sig einstaklega vel í þrífum og náðu að bóna allar skólastofur og vil ég sérstaklega þakka þeim fyrir einstakan dugnað. Minniháttar framkvæmdir gengu eftir svo sem gluggamálun á norðurhlíð skólans, endurbætur á tröppum við inngang og ný rennihurð fyrir lúgunni í eldhúsinu. Nú loksins eftir langt hlé fáum við nokkrar tölvur til að sinna brýnustu þörf á endurnýjun. Þannig að allt þokast nú eitthvað.

Nokkrar breytingar eru á starfsliði skólans. Við höfum ráðið Sigurð Pétur Bragason tónmenntakennara til að kenna tónmennt á yngsta stigi. Ég verð því miður að tilkynna að við gerum ekki ráð fyrir kórstarfi að minnsta kosti fyrst í stað. Elín Halldórsdóttir tónmenntakennari óskaði eftir lausn frá störfum síðastliðið vor og óskum við henni velfarnaðar í störfum sínum á öðrum vettvangi, og einnig Elísabetu Björnsdóttur enskukennara sem óskaði einnig eftir að hætta störfum í vor. Í stað Elísabetar höfum við ráðið nýjan enskukennara, Önnu Sigríði Eyjólfssdóttur. Önnu Sigríði bjóðum við velkomna í okkar raðir. Anna María Jónsdóttir, sem kenndi íslensku í fyriravetur í stað Magneu Hrannar Stefánsdóttur íslenskukennara á unglingastigi, var formlega ráðin eftir auglýsingu og úrvinnslu úr umsóknum síðasta vor. Við bjóðum Monicu Ferreira Fidalgo skólaliða velkomna til baka úr barnsburðarleyfi sem og þær Rannveigu Björku Þorkelsdóttur leiklistarkennara og Sigurveigu Maríu Kjartansdóttur umsjónarkennara í 7. bekk úr endurmenntunarorlofi. Steinunn Mar umsjónarkennari í 7. bekk er komin aftur úr veikindaleyfi og bjóðum við hana velkomna til starfa.

Við erum að auglýsa eftir stuðningsfulltrúa, almennum kennara á miðstigi og sérkennara í tímabundna ráðningu vegna leyfis nú í haust. Umsóknarfrestur er til 24. ágúst.

Skólustjóri hefur áform um að auka og fjölga tækifærum fyrir foreldra til að koma í skólann sem og formlegum tækifærum fyrir bekkjarfulltrúa einstakra bekkja til að hitta skólustjórnendur. Við viljum með einum eða öðrum hætti reyna að koma hugmyndum sem við kynntumst í London í febrúar sl. í framkvæmd innan skólans. Skólustjóri hefur flokkað áherslur kennarafundar frá 12. júní og verða umræður settar í gang innan skólans þar sem þær eiga við. Fljótlega munum við síðan birta skýrslu á heimasíðu skólans um ferðina ásamt umræddum hugmyndum frá 12. júní. Það sem við höfum þegar rætt nú í haust er meiri áhersla á einkunnarorð skólans. Við höfum ekki staðið okkur í því að vinna nægilega formlega með einkunnarorðin okkar. Einkunnarorðin eru nú yfir dyrum salarins og þau verða í hverri kennslustofu þar sem þau verða tekin til umræðu. Við höfum þegar hafið endurskoðun á þeim þáttum er lúta að agamálum og úrvinnslu þeirra. Okakur þykir hins vegar mikilvægt að við leggjum grunninn með umræðu um grunngildi. Áfram verður líðan nemenda í brennipunkti bæði í árlegri könnun okkar í október sem og í Skólapúlslinum sem við nýtum okkur nú annað árið í röð og reynum að læra af niðurstöðum. Ég hvet alla til að kynna sér á heimasíðu skólans hvernig við vinnum með einelti.

Það er eins og ævinlega eftirvænting og tilhlökkun til vetrarins hér í húsi.

Ég óska okkur öllum velfarnaðar í starfi og býð alla hjartanlega velkomna til starfa

Með kveðju,

Ásgeir Beinteinsson, skólustjóri Háteigsskóla.

Foreldraviðtöl, starfsdagar og vetrarfrí

Eins og kom fram á skóladagatali sem var sent heim í vor og er á heimasíðunni, verða foreldraviðtöl 9. október og 29. janúar. Starfsdagar verða 5. október, 3. og 21. janúar, 13. febrúar og 3. júní. Vetrarleyfi verða 19. og 22. október og 21. og 22. febrúar. Og eins og í fyrra, þá byrjum við kennslu strax á þriðjudegi eftir páska.

Háteigur

Háteigur er mánaðarlegt fréttablað skólans og mun að mestu vera gefinn út á netinu. En þeir sem vilja fá hann á pappír frá skólanum, er velkomið að óska eftir því. Þá verður hann sendur í töskupósti heim með nemendum.

Leiðréttingar í Mentor og ástundun

Forráðamenn eru vinsamlegast beðnir um að **fara yfir persónulegar upplýsingar** sínar í Mentor og leiðrétta ef þörf er á. Nauðsynlegt er að öll símanúmer og netföng séu rétt vegna upplýsingaskyldu skólans og eins ef slys eða skyndileg veikindi ber að höndum.

Allir kennarar skrá hegðun og mætingar nemenda í skólanum. Ástundun nemenda 5. - 10. bekkjar verður send heim á u.þ.b. mánaðarfresti. **Allir forráðamenn hafa netaðgang að upplýsingum um ástundun barna sinna í Mentor ásamt fleiri upplýsingum sem kennari kys að setja á netið.** Slóðin er <http://www.mentor.is>. Á unglingastigi er skólasóknareinkunn tengd ástundun og birtist hún á prófskírteinum.

Minnisatriði í upphafi skóla

Hvers konar notkun farsíma er bönnuð í kennslustofum. Það á að vera slökkt á sínum og þeir eiga að vera í töskum eða vösum. Verði misbrestur á er síminn tekinn af nemanda og hann aðeins afhentur forráðamanni. Farsímar, geislaspláttar og önnur verðmæti eru best geymd heima.

Gott er að fá sér inniskó þar sem nemendur fara úr útiskóm við útidyr.

Nemendum 7. – 10. bekkjar gefst kostur á að fá lánaðan læstan skáp gegn 1000 kr. tryggingargjaldi sem fæst endurgreitt þegar lykli er skilað fyrir skólaslit að vori.

Hjólreiðar eru ekki leyfðar á skólalóðinni á skólatíma. Sama gildir um hjólaskauta, hjólaskó, hlaupahjól og hjólabretti.

Notkun og geymsla vélknúinna farartækja er óheimil á skólalóðinni.

Mjólkuráskrift – mataráskrift - heimanám

Vakin er athygli forráðamanna á að nemendur geta verið í mjólkuráskrift. Sama fyrirkomulag er eins og með mataráskriftina. Farið er inn á heimasíðu Reykjavíkurborgar og gengið frá umsókn í Rafrænni Reykjavík. Þegar viðkomandi er einu sinni kominn í áskrift gildir hún þangað til að henni er sagt upp en uppsagnarfresturinn er hálfur mánuður. Þetta þýðir að þeir sem voru í áskrift á síðasta skólaári og vilja halda henni áfram, hvort sem um er að ræða mjólk eða hádegismat, þurfa ekki að endurnýja umsókn. Fyrsti afhendingardagur mjólkur er 23. ágúst.

Verðið á hádegismatnum er kr. 6.200 fyrir hvern mánuð og mjólkinn (léttmjólk) kostar kr. 700 á mánuði.

Hér skal þess einnig getið að á Rafrænni Reykjavík gefst kostur á að merkja við heimanám í grunnskólum Reykjavíkur. Undanfarin ár hefur verið boðið upp á heimanám fyrir nemendum á miðstigi hér í Háteigsskóla. Afar fáar umsóknir hafa borist og því verður ekki boðið upp á þessa þjónustu um sinn. Skráning í heimanám í Háteigsskóla gegnum Rafræna Reykjavík er því ekki virk.

Merkingar

Við viljum minna á mikilvægi þess að foreldrar merki föt og aðra hluti sem börnin koma með í skólann. Fatatúss fæst í búðum – hægt er t.d. að skrifa á heftiplástur og líma á hlutinn eða skrifa á þvottamiða. Símanúmer dugar yfirleitt.

Skólasund veturinn 2012 – 2013

Eins og undanfarin ár verður sundið á föstudögum í Sundhöll Reykjavíkur (fyrir og eftir hádegi) og í sundlaug Austurbæjarskóla (fyrir hádegi). Einnig verður sund fyrir 5., 6. og 7. bekk á fimmtudagsmorgnum í Sundhöllinni.

Nemendur í 1. og 4. bekk eru í sundi allan veturinn og eru tímar þeirra á stundaskrá. Aðrir nemendur (2.-3. bekkur) eru ýmist í sundi á haust- eða vormisseri. Nemendum er ekið milli laugar og skóla. Á föstudagsmorgnum verða nemendur í 4. bekk að vera mættir aðeins fyrr en venjulega því rútan fer frá skólanum kl. 8:15. Nemendur 1., 2. og 3. bekkjar fara úr kennslustundum frá umsjónarkennurum. Starfsmaður skólans fylgir nemendum 1.-4. bekkjar í rútunni milli laugar og skóla.

Föstudagur:

Kl.	Frá skóla	Haustmiseri	Vormiseri
8:30-9:10	8:15	4. SÓ – allt skólaárið	
9:10-9:50	8:55	3. b. stúlkur	3. b. drengir
10:10-10:50	9:55	1. GBJ – allt skólaárið	
10:50-11:30	10:35	1. HHP – allt skólaárið	
11:40-12:20	11:25	Aukatími	
13:00-13:40	12:45	2. b. stúlkur	2. b. drengir

Nemendur í 5. og 7. bekk eru í sundi allan veturinn í Sundhöllinni á fimmtudagsmorgnum. Drengir í 7. bekk eru í sundi á haustmiseri og mæta beint upp í Sundhöll kl. 8:25. Á vormisseri mæta stúlkur í 7. bekk beint þangað. Stúlkur í 5. GHS er í sundi á haustmiseri og 5. GH á vormisseri. Stúlkur í 6. bekk eru í sundi á haustmiseri og drengir á vormisseri. Nemendum 5.-7. bekkjar er ekið milli laugar og skóla, en 7. bekkjar mæta sjálfir í Sundhöll á fimmtudagsmorgnum.

Fimmtudagur:

Kl.	Frá skóla	Haustmiseri	Vormiseri
8:30-9:10		7. b. drengir	7. b. stúlkur
9:10-9:50	8:55	5. GHS	5. GH
10:10-10:50	9:55	6. b. stúlkur	6. b. drengir

Nemendur í 9. bekk eru í sundi í Sundhöllinni á haustmiseri og eru tímar þeirra skráðir á stundatöflu. 8. og 10. bekkur er síðan á vormisseri.

Föstudagur:

Kl.	Haustmiseri	Vormiseri
13:40-14:20	9. b. drengir*	8. ASE/HB**
14:30-15:10	9. b. stúlkur*	10. AMJ/ESP**

* Skipti verða á hópnum á miðju tímabili, þ.e. þá fara stúlkur í fyrri tímann og drengir í þann seinni. Fyrri tímabil: 24.8. -26.10. Seinna tímabil: 2.11. -11.1.

** Stúlkur á fyrri tímabili vormisseris (18.1.-22.3.) – drengir á seinna tímabili (5.4.-31.5.).

Fyrstu sundtímar á haustmiseri eru 23. og 24. ágúst.

Fyrstu sundtímar á vormisseri eru 17. og 18. janúar.

☞ Spakmæli mánaðarins: ☜
Allir verða aðlaðandi þegar þeir brosa.